

Á MESA DO PARLAMENTO GALEGO

O **Grupo Parlamentar de Alternativa Galega de Esquerda**, ao través de **Yolanda Díaz Pérez** e **Antón Sánchez García**, ao abeiro do disposto no artigo 160 do Regulamento da Cámara, presentan a seguinte **proposición non de lei para o seu debate no Pleno**, relativa á declaración de nulidade de oficio dos pregos do consorcio provincial contra incendios da Coruña para licitar o servizo de emerxencias.

“(...) declarar asimismo de oficio la nulidad del anuncio y de los pliegos de dicho contrato, ya que los mismos no se ajustan en absoluto a las exigencias derivadas de su verdadera naturaleza jurídica como contrato de servicios.” O acordo que transcribimos forma parte da resolución emitida polo Tribunal Administrativo Central de Recursos Contractuais. Este órgano acaba de invalidar o proceso de licitación dos parques comarcais de bombeiros da Coruña. Faino ao resolver un dos recursos presentados por unha das empresas concorrentes.

A cerna do seu razonamento é que non nos atopamos diante dun verdadeiro contrato de xestión dun servizo público en réxime de concesión e sí cun contrato de servizos, dado que o futuro contratista non adquire risco empresarial algún; de onde se segue que os pregos que teñen unha estrutura propia das dos contratos de xestión de servizos público son inapropiados de raíz para a que é a xenuína natureza dun contrato de servizos.

Restan sen resolver outros recursos como o presentado pola plataforma de bombeiros públicos de Galicia, que tamén empregaba este razonamento crítico, para ir alén del e sinalar a condición de servizo público esencial onde se desempeña un exercicio de autoridade, elemento clave que limita o seu desempeño a persoal funcionario.



Polo anotado supra, o grupo parlamentar da AGE formula a seguinte proposición non de lei para o seu debate plenario:

- O Parlamento Galego insta á Xunta a impulsar - logo da declaración de oficio da nulidade do anuncio e dos pregos- , a xestión do servizo público de prevención e intervención en emerxencias na provincia da Coruña baixo o réxime de xestión directa por parte de persoal funcionario.

En Compostela, a 9 de marzo do 2015.

Asdo. Yolanda Díaz Pérez

Asdo. Antón Sánchez García

Asinado dixitalmente por:

Yolanda Díaz Pérez na data 09/03/2015 13:29:49

Anton Sánchez García na data 09/03/2015 13:29:52